



This project is funded by
the European Union

Institut za
razvoj mladih KULT



JAVNI POZIV ZA DODJELU FINANSIJSKE PODRŠKE MLADIMA ZA RAZVOJ NOVOOSNOVANIH BIZNISA KROZ NABAVKU ALATA, MATERIJALA I OPREME

Oznaka poziva:	20.06.0-N2.1-33
Naziv poziva:	Podrška mladima u razvoju novoosnovanih biznisa
Datum objave poziva:	27. 4. 2021.
Rok za dostavljanje projektnih prijedloga:	7. 5. 2021. do 16.00 sati

Javni poziv za dodjelu finansijske podrške mladima za razvoj novoosnovanih biznisa kroz nabavku alata, materijala i opreme

Institut za razvoj mladih KULT (u daljnjem tekstu: Institut), kao partner na projektu "The European Union, Innovation & Media Partnership for Action, Collaboration and Transformation in the Western Balkans - EU-IMPACT-WB", koji se realizira u regiji Zapadnog Balkana (Albanija, Bosna i Hercegovina, Kosovo*, Sjeverna Makedonija i Srbija), poziva sve mlade preduzetnike i socijalne inovatore u Bosni i Hercegovini u dobi od 18 do 35 godina, čiji su poslovni subjekti formalno-pravno registrirani u periodu od 01.01.2018. godine do dana prijave na Javni poziv, da podnesu svoju aplikaciju na Javni poziv za **Podršku mladima u razvoju novoosnovanih biznisa**.

Ukupna finansijska vrijednost izdvojena za podršku razvoju novoosnovanih mikro biznisa mladih preduzetnika iznosi 50.000,00 KM, a istim će u jednakim iznosima od 6.250,00 KM biti podržano osam mladih preduzetnika.

Sva pitanja koja se tiču ovog javnog poziva dostavljaju se isključivo putem e-mail adrese: ajka.rovcanin@kultbih.org (subject/predmet: 20.06.0-N2.1-33, Upit).

Od zainteresiranih aplikanta se traži da do 7. 5. 2021. do 16.00 sati dostave prijavu isključivo u elektronskom obliku, putem upitnika (Podrška mladima u razvoju novoosnovanih biznisa) koji se nalazi na linku: <http://mladi.org/myURL/euimpactbiznisi>.

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka kao ni prijave na neodgovarajućim obrascima neće biti uzete u razmatranje.

Institut će u pisanom obliku, putem e-maila obavijestiti sve prijavljene aplikante o ishodu Javnog poziva.

Javni poziv za dodjelu finansijske podrške mladima za razvoj novoosnovanih biznisa kroz nabavku alata, materijala i opreme

Pozadina

EU-IMPACT-WB - "The European Union, Innovation & Media Partnership for Action, Collaboration and Transformation in the Western Balkans" je inicijativa podržana od strane Evropske komisije, a realizira se u pet zemalja Zapadnog Balkana (Albanija, Bosna i Hercegovina, Kosovo*, Sjeverna Makedonija i Srbija). U Bosni i Hercegovini projekat realizira Institut za razvoj mladih KULT.

Provodeći akcije kojima podržava zapošljavanje, te stvaranje novih dugoročnih radnih mjesta u svih pet zemalja, partnera projekata, inicijativa stavlja fokus na pružanje podrške socijalno-ekonomskim uslovima, a za cilj ima:

- Jačanje regionalne i lokalne mreže mladih preduzetnika i socijalnih inovatora;
- Povećanje znanja i izgradnja vještina mladih preduzetnika i socijalnih inovatora;
- Povećati zaposlenost podržavanjem i povezivanjem postojećih mladih preduzetnika i socijalnih inovatora sa lokalnim, regionalnim i međunarodnim tržištima, te
- Povećati znanje mladih o zahtjevima tržišta rada u skladu s trendovima razvoja industrije koji potiču privredni razvoj.

U Bosni i Hercegovini je prema statistikama, analizama i stvarnom stanju na tržištu rada već godinama unazad očigledno prisutan veliki problem neusklađenosti potreba tržišta rada i obrazovnog sistema. Problem neusklađenosti tržišta rada, odnosno potreba poslodavaca iz realnog sektora i dostupna radna snaga dovode do povećanja broja nezaposlenih osoba, zahvaljujući hiperprodukciji određenog kadra, a koja ne prati stvarno stanje na tržištu rada. Posebno zabrinjava veliki broj nezaposlenih mladih osoba u Bosni i Hercegovini, što direktno utječe na stvaranje nezadovoljstva mladih životom u Bosni i Hercegovini. Samo nekolicina mladih koji ne uspijevaju pronaći mjesto na tržištu rada iskoriste vlastite kapacitete, znanja i vještine i odlučuju se za samozapošljavanje, odnosno na pokretanje vlastitih biznisa.

Činjenica da se sve veći broj biznisa gasi, jer ne uspijevaju prevazići niz poteškoća u prvim godinama poslovanja, dovode do potrebe da se pomogne mladim preduzetnicima, kroz različite programe podrške, dodjelu grantova, ali i kroz stručnu podršku, obuku, treninge i razna savjetovanja kako bi otklonili ključne nedostatke u svom radu.

Istraživanja Instituta za razvoj mladih KULT pokazuju da je jedan od ključnih izazova sa kojim se mladi susreću prilikom vođenja biznisa pribavljanje finansija. Finansijskom i stručnom podrškom preduzetničkim aktivnostima i poduhvatima mladih doprinosi se rješavanju problema njihovog zaposlenja, ali i drugih mladih ljudi za koje će novi biznisi generirati radna mjesta. Također, mladi tako postaju ekonomski neovisni i osnaženi. Ekonomsko osnaživanje mladih doprinosi razvoju, stvarajući ekonomske i socijalne prilike od koristi za pojedince, zajednice, države i svijet u cijelosti.

Institut za razvoj mladih KULT poziva sve mlade preduzetnike i socijalne inovatore u Bosni i Hercegovini da dostave prijavu na Javni poziv za **Dodjelu finansijske podrške mladima za razvoj novoosnovanih biznisa kroz nabavku alata, materijala i opreme.**

U cilju jačanje regionalne i lokalne mreže mladih preduzetnika i socijalnih inovatora, te doprinosa konkurentnosti lokalnih ekonomija i stvaranja mogućnosti za zapošljavanje mladih kao teže zapošljivih kategorija, Institut objavljuje Javni poziv za podršku razvoju mikro preduzeća registrovanih u periodu od 01.01.2018. godine do dana prijave na Javni poziv, a čiji su osnivači osobe dobi od 18 do 35 godina.

Institut će svim odabranim aplikantima po ovom Javnom pozivu, kroz nabavku **alata, materijala i opreme** isključivo sa teritorije Bosne i Hercegovine, obezbijediti finansijsku podršku u iznosu od 6.250,00 KM. Alati, materijal i oprema koji se nabavljaju, moraju biti novi i namijenjeni djelatnosti koju mikro preduzeće obavlja.

Navedena podrška će biti realizovana u vidu **in-kind** finansiranja, koje podrazumijeva da će sve troškove nastale u toku trajanja projekta plaćati direktno Institut, a dužnost aplikanta je da pripremi predračune i dostavi ih Institutu.

Uvjeti i procedure za apliciranje

EU IMPACT WB za cilj ima poboljšanje ekonomskog prosperiteta i perspektive mladih na Zapadnom Balkanu. Unapređenje efikasnosti privatnog sektora u cilju poticanja razvoja i stvaranja radnih mjesta dvije su ključne varijable na koje se, kroz ovaj Javni poziv, želi utjecati.

Validne prijave poslovnih subjekata na Javni poziv moraju ispunjavati sljedeće opće kriterije:

- da su inovativni i jedinstveni;
- da je poslovna ideja samostalno zamišljena i razvijena od strane aplikanta (vlasnika preduzeća);
- da posjeduje razvijene menadžerske, tehničke i institucionalne kapacitete za održivo poslovanje;
- da je u skladu sa ciljevima EU IMPACT WB i da podržava iste;
- da svojim poslovanjem može utjecati na poboljšanje ekonomskih mogućnosti u Bosni i Hercegovini, kao jednom od ciljanih područja EU IMPACT WB inicijative.

Javni poziv je otvoren svim mladim preduzetnicima i socijalnim inovatorima, koji su vlasnici mikro preduzeća u Bosni i Hercegovini, te koji ispunjavaju sljedeće eliminatorne kriterije:

- Poslovni subjekat koji se prijavljuje na Javni poziv pripada kategoriji mikro¹ preduzeća i registrovan je na teritoriji Bosne i Hercegovine u periodu od 01.01.2018. godine do dana prijave na Javni poziv.
- Vlasnik poslovnog subjekta pripada kategoriji mladih starosne dobi 18-35 godina i ima prebivalište na teritoriji Bosne i Hercegovine.

¹ Mikro preduzećima smatraju se pravna lica koja na dan sačinjavanja finansijskih izvještaja ne prelaze granične vrijednosti najmanje dva od sljedećih kriterija:

- Prosječna vrijednost poslovne imovine na kraju poslovne godine je do 350.000,00 KM,
- Ukupan godišnji prihod je do 700.000,00 KM,
- Prosječan broj zaposlenih u godini za koju se podnosi finansijski izvještaj je do 9 (devet).

- Poslovni subjekat je registrovan za obavljanje proizvodne ili uslužne djelatnosti na teritoriji Bosne i Hercegovine, izuzev djelatnosti iz oblasti trgovine, prevoza stvari, roba i putnika, proizvodnje oružja i vojne opreme, proizvodnje duhanskih proizvoda i alkoholnih pića, igara na sreću i ugostiteljstva (osim ako se ne radi o preduzećima sa originalnim poslovnim aktivnostima, vezanim za turizam i tradicionalne domaće proizvode).
- Poslovni subjekat uredno izmiruje direktne poreze, doprinose za PIO/MIO i zdravstveno osiguranje.
- Poslovni subjekat uredno izmiruje indirektne poreze, ukoliko je u sistemu PDV-a.
- Poslovni subjekat je u protekloj 2020. godini poslovao uspješno i ima dovoljno osoblja i kapaciteta za obavljanje poslovnih aktivnosti.

Potrebna dokumentacija

Za potrebe apliciranja na ovaj Javni poziv potrebno je da svi aplikanti dostave obaveznu dokumentaciju kako slijedi u nastavku:

- Rješenje o registraciji (skenirano originalno rješenje iz sudskog registra ili aktuelni izvod iz sudskog registra ne stariji od 3 mjeseca);
- Potvrda nadležne institucije da je podnosilac prijave izmirio obaveze po osnovu direktnih poreza i doprinosa (ne starija od 3 mjeseca)*;
- Potvrda Uprave za indirektno oporezivanje o izmirenim obavezama po osnovu indirektnih poreza (ukoliko je aplikant u sistemu PDV-a, ne starija od 3 mjeseca)*;
- Skeniran originalni ID broj poslovnog subjekta;
- Obavještenje o razvrstavanju poslovnih subjekata prema klasifikaciji djelatnosti (skeniran originalni primjerak);
- Skenirana lična karta vlasnika i/ili legitimnog predstavnika biznisa kojom se dokazuje starosna dob i državljanstvo Bosne i Hercegovine;
- CIPS prijava vlasnika biznisa, kojom se dokazuje prebivalište na teritoriji Bosne i Hercegovine (original, ne starija od 3 mjeseca);
- Specifikacija o posljednjim isplaćenim platama i doprinosima, kojom se dokazuje broj zaposlenih (potpisano i opečaćeno);
- Bilans stanja i uspjeha za 2020. godinu;
- Drugi relevantni dokumenti koji mogu doprinijeti konačnom izboru grant korisnika (molimo da navedete dokumente, koje prilažete).

** Ukoliko aplikanti zbog epidemiološke situacije i ograničenih kapaciteta rada ne budu u mogućnosti dokumente označene zvjezdicom (*) dostaviti unutar roka predviđenog za apliciranje na Javni poziv, obavezni su dostaviti Izjave podnosioca prijave/vlasnika biznisa (ovjerene od strane nadležnog organa) o nepostojanju duga po osnovu direktnih i indirektnih poreza. Ukoliko aplikanti budu odabrani za podršku od strane Instituta, u obavezi su da dostave originalne dokumente do trenutka potpisivanja Ugovora o dodjeli in-kind granta.*

Zainteresirani aplikanti se popunjavanjem i slanjem **PRIJAVE NA JAVNI POZIV**, putem online upitnika, elektronski prijavljuju za učešće i istim potvrđuju tačnost podataka, kojima se prijavljuju.

Potpisivanje ugovora kojim će biti definisana prava i obaveze između Instituta i odabranih korisnika granta biti će upriličeno **tokom maja 2021.** godine.

Sva **pitanja** koja se tiču ovog javnog poziva dostavljaju se isključivo putem e-mail adrese: ajka.rovcanin@kultbih.org (subject/predmet: 20.06.0-N2.1-33, Upit).

Rok za dostavljanje prijave na javni poziv

Od zainteresiranih aplikanata traži se da kompletiranu prijavu na Javni poziv dostave najkasnije **do 7. 5. 2021.** godine do **16.00 sati**, isključivo u elektronskom obliku, putem online upitnika.

Korak 1: Preuzeti obrazac za prijavu na Javni poziv

Odaberite dokument **Prijavni obrazac za finansiranje biznisa** i pročitajte pažljivo. Popunite Prijavni obrazac, koji ćete učitati kao prilog na kraju Online upitnika (Podrška mladima u razvoju novoosnovanih biznisa). Nakon što ispunite Prijavni obrazac pređite na Korak 2.

Korak 2: Pristup online upitniku

Pristupite popunjavanju online upitnika putem linka koji se nalazi u nastavku: <http://mladi.org/myURL/euimpactbiznisi>.

Korak 3: Ispunjavanje online upitnika i prilaganje Prijavnog obrasca i prateće dokumentacije

Podrška mladima u razvoju novoosnovanih biznisa
Podnosilac prijave (vlasnik biznisa):
Naziv mikro preduzeća:
Godina osnivanja:
Oblik organizacije biznisa:
ID broj:
Lokalna zajednica u kojoj je registriran biznis:
Adresa poslovnog subjekta (ulica i broj):
Telefon za kontakt:
Email adresa:
Broj zaposlenih:
Kratak opis poslovanja:
Prilog 1 (Prijavni obrazac za finansiranje biznisa):
Prilog 2 (Prateća obavezna dokumentacija):

Preporučujemo da dokumente dostavljate u jednom zipovanom/kompresovanom folderu koji sadrži sve tražene priloge.

Provjerite da li ste priložili popunjeni obrazac i prateću dokumentaciju, te kliknite **POŠALJI**. Kako biste sačuvali kopiju podnesenog obrasca, potrebno je kliknuti „*Send me a copy of my responses*“.

Kada jednom pošaljete, nećete više biti u mogućnosti mijenjati svoju prijavu.

Imajte na umu da je sva pitanja na linku obavezno ispuniti.

Kada ispunjavate upitnik i priloge, imajte na umu da:

- sve informacije unesene u tabele, moraju biti potpune i tačne;
- sve sekcije u dokumentima moraju biti ispunjene;
- prijava neće biti prihvaćena ukoliko sva obavezna polja nisu ispunjena.

Prijave koje ne budu dostavljene na način opisan u Javnom pozivu neće biti uzete u razmatranje.

Prijave na Javni poziv koje pristignu nakon navedenog roka, kao i prijave na neodgovarajućim obrascima neće biti uzete u razmatranje.

Ishod Javnog poziva

Nakon što Komisija ocijeni i rangira sve pristigle prijave, Institut će u elektronskom obliku, putem e-maila, obavijestiti sve prijavljene aplikante o ishodu Javnog poziva.

One prijave koje budu pozitivno ocijenjene, ulaze u fazu pregovora i fazu potpisivanja Ugovora o dodjeli in-kind granta.

Svaki pokušaj kontaktiranja bilo kojeg uposlenika Instituta vezano za dobijanje dodatnih informacija mimo navedene e-mail adrese i svaki pokušaj podmićivanja bilo kojeg uposlenika vodi do dugoročne diskvalifikacije aplikanta.

Uz podršku
Evropske Komisije